

ხაშურის მუნიციპალიტეტის სოფლებში გზების დაგება მიმდინარეობს

23 აპრილი 2021

ხაშურის მუნიციპალიტეტის სოფლებში, ქინძათში, დუმაცხოვოსა და ნაბახტევში საგზაო ინფრასტრუქტურის მოწყობა მიმდინარეობს. პროექტებზე, ჯამში, 2,5 მილიონზე მეტი ლარია განსაზღვრული, რომელიც რეგიონებში განსახორციელებელი პროექტების ფონდიდან დაფინანსდა. სამუშაოების ფარგლებში დაგეგმილია 5 კმ-ზე მეტი საავტომობილო გზის რეაბილიტაცია და ასფალტის საფარის მოწყობა. აღსანიშნავია, რომ არც ერთ სოფელში აქამდე მსგავსი სახის პროექტი არ განხორციელებულა. სამუშაოების მიმდინარეობას შიდა ქართლის სახელმწიფო რწმუნებული მამუკა საღარეიშვილი ადგილობრივი თვითმმართველობის წარმომადგენლებთან ერთად გაეცნო. რწმუნებულის თქმით, ქინძათის, დუმაცხოვოსა და ნაბახტევის მოსახლეობა წლის ბოლომდე შეძლებს განახლებული ინფრასტრუქტურით სარგებლობას. „წელს ხაშურის მუნიციპალიტეტში არაერთი მნიშვნელოვანი პროექტი მიმდინარეობს, მათ შორისაა სწორედ ეს სამი სოფელი, სადაც აქამდე საგზაო ინფრასტრუქტურა ფიზიკურად არ არსებობდა, უამინდობის დროს კი ადგილობრივებს პრობლემებს უქმნიდა. მიმდინარე წლიდან მოსახლეობა კომფორტულად გადაადგილებას შეძლებს.“ - აღნიშნა მამუკა საღარეიშვილმა.